



Spreke jenter balanserte fint: Ingebjørg, Solveig og Ingvill

**Det har ikkje vore så stor svikt likevel i deltakartalet i fjelltrimmen. Atskillige har gløymt å levera inn korta sine slik at det blir 100 deltakarar likevel. og det plar det vera.**

**Det opplyste turgruppeleiar Steinar Haugland då han gjorde resultatata for ifjor kjent på Heio i føremiddag. Det skjedde etter den årlege rebuser som også hadde rundt rekna 100 deltakarar fordelt på 27 lag.**



Familien Haugland vann rebusløpet og her er Torbjørn

Som mange gonger før var det Arne Hauge som gjekk til topps i fjelltrimmen, denne gongen med så mykje som 2 647 poeng. I klassa for dei under 12 vann Veslemøy Haugland.



Veslemøy Haugland beste fjelltrimmar under 12  
Nøttene i rebusløpet, som var etter tradisjonelt opplegg, var denne gongen laga av Bjørn Olav Tveit og Steinar Haugland. Fleire deltakarar meinte dei var lettare enn i fjor. I alle fall var det ikkje så lett å finna svara. Her vart det spurt om alt frå keisar Augustus sine born til fiskefangstane i Uskedalselva.

Familien Haugland med Lars, Svanhild, Torbjørn og Johannes var dei skarpaste i rebustevlinga.



Familien Ripel i løypa: Knut Johannes, Emma (6) og Linnea (3)

Ein viss oppsikt laga 3 spreke jenter som sykla rundt dalen på sykklar med eitt hjul under rebusrunden, Dei var Ingebjørg Haugland, Solveig Haugland og Ingvill Myklebust.

Tekst og foto: Ola Matti Mathisen